

## مي شهر

### حبيبه جمشیدی بهمبری

تاکسی میان نیشته بوم. دوتا جوان ډوخترم مي ورجا نیشته بون. بلن - بلن گب ژئیدی و من ایشتاوستیم.


اولی: راستی از تي نامزد امیر چي خبران؟  
دومی: امیر خوځبه. هر چن روز به سر، ایتا پیام مره روانه کونه.

اولی: خوځب. چي گه؟ راضی ایسه؟

دومی: چي بوگویم والا؟ هنو کمپ ډ میان زندگی کونید. اویه همه جوړه آدم ایسه دئه. عرب و افغاني. ولي بازم اشان شانس باوردید که دیپورت نوبوستیدی و تانسید از مرز رد بیید. خیلان هنو مرز ډ سر آواره یدی.

اولی: کاش ان دفعه انه واورسی که محسن ډ خیرم داره یا نه. مي دیل آشوبه از وقتی که بوشو هیچ خبري ان ډ جا ندارم. ان ډ مار و ډ خاخورم مره بوروز ندیدی. دومی: باشه کور. ان ډ جا واورسم. اخه اویه همیشه اینترته دسرسی نداریدی؛ هر وقت پیام فده مره واورسم.

اولی: هر جوانی که امي محل و خیابان ایسه بو بوشو خارج. دئه امي شهر ډ میان جوانی نیدینی.



مي دیل ډ میان ان ډ حرفه تصدیق بوکودم. بیشتاوسته بوم بالای ډ هزار نفر از انزلي مهاجرت بوکودید. یاد ډ مي دوست دکتم. چند وقتی بو که خبری ازش نبو. وقتی انه بیدم گله بوکودم که کویه ایسی و ډ چره تي جه خبری نبو. من و من ډ امرأ جواب بده مره که گرفتارم. راس گوفتی بنده خودا. دوتا پسر تحصیلکرده بیکار خانه میان داشتن سخته. بعدم زود خداحافظی بوکود و بوشو. هفتة بعد بیشتاوستم هر دوتا پسرأ روانه بوکوده خارج. مي دیل خیلی ان ډ ره بوسوخت. ان ډ واسی آشفته بو. مادره دئه. چي بوکونه! هزار بدبختی و گریفتاری امرأ زای بزرگاوده الان کار ډ ره اشانه خارج روانه کوده. کارم کار نه که کارگری و فعلگی اونم کشور و شهر ډ غریب ډ میان، هزاران مشکل و دلهره امرأ.

وقتی تاکسی غازیان ډ پوردأ ردأ کود مي چوم دکفت اسکله. حیف شهر ډ به ا قشنگي نبو؟ شهري که تازه منطقه آزاد بو بوسته. اصلاً ا منطقه آزاد ډ فایده ا شهر ډ جوانان ډ ره چي بو؟ شهري که ان ډ مرداکان ۱۸ سال بیجیر و ۵۰ سال بو جوړیدی. شهري که جوان ډ سازنده و فعال ډ جا خالي بو بوسته. شهري که ان ډ جوانان ډ ره کار ننه.